

PLIVAČKI SAVEZ FEDERACIJE BOSNE I HERCEGOVINE

Na osnovu Člana 7. Statuta PS F BiH Upravni Odbor Saveza na sjednici održanoj 27.04.2012 godine u Sarajevu usvojilo je:

PRAVILNIK O REGISTRACIJI KLUBOVA I PLIVAČA U PLIVAČKOM SAVEZU FEDERACIJE BOSNE I HERCEGOVINE

I TEMELJNE ODREDBE

Član 1.

Pravilnik o registraciji članova PS F BiH (u daljnjem tekstu: Pravilnik) propisuje uslove i način registracije članova Plivačkog Saveza Federacije BiH (u daljnjem tekstu PS F BiH) u svrhu regulisanja njihove aktivnosti i prava nastupa i sudjelovanja na organizovanim takmičenjima u plivanju na teritoriju Federacije Bosne i Hercegovine (u daljnjem tekstu: takmičenjima).

Član 2.

Samo članovi PS F BiH mogu biti članovi Plivačkog Saveza Bosne i Hercegovine. U protivnom nemaju pravo nastupa na Državnim prvenstvima Bosne i Hercegovine.

Član 3.

Svi članovi PS F BiH koji su registrovani u skladu sa pravilima ovog Pravilnika stiču pravo nastupa i sudjelovanja na takmičenjima na teritoriju Federacije Bosne i Hercegovine.

II REGISTRACIJA ČLANOVA PS F BIH

Član 4.

U PS F BiH vodi se registar (u daljnjem tekstu Registar): plivača i članica PS F BiH. Uvođenje u Registar vrši se na osnovu pisane prijave plivačkih klubova iz FBiH.

Član 5.

Registraciju članica PS F BiH i plivača obavlja Stručni Odbor kroz Komisiju za registraciju PS F BiH (u daljnjem tekstu Komisija).

Predsjednika i članove Komisije imenuje i razrješava Upravni Odbor PS F BiH (u daljnjem tekstu UO).

Umjesto Komisije UO može imenovati jedno lice iz svog sastava da obavlja poslove registracije.

Član 6.

Zahtjev za prvu registraciju, produženje postojeće registracije, preregistraciju i obnovu registracije dostavlja se u Kancelariju Saveza.

Prva registracija i obnova registracije članica PS F BiH i plivača nije vremenski uslovljena. Prva registracija plivača vrši se prilikom učlanjenja plivača u klub, obnova registracije vrši se prilikom ponovnog učlanjenja u klub.

Produženje registracije članica PS F BiH i plivača vrši se svake godine u vremenu 01.-30. oktobar za narednu godinu, i važi za period od 30. oktobra tekuće do 30. oktobra naredne godine.

PLIVAČKI SAVEZ FEDERACIJE BOSNE I HERCEGOVINE

Član 7.

Po pozitivno riješenom zahtjevu za izdavanjem prve registracije, Kancelarija Saveza je dužna novoregistrovanom članu izdati njegov jedinstveni registracijski broj.

Potvrda o prvoj registraciji, produženju registracije, preregistraciji, obnovi registracije članice PS F BiH i plivača izdaje se u pismenoj formi najkasnije u roku od petnaest (15) dana od dana prijema zahtjeva za registraciju.

Član 8.

Po pravilima ovog Pravilnika mogu se registrovati i oni pojedinci koji ne pripadaju niti jednom od plivačkih klubova udruženih u PS F BiH, ali samo uz posebno dopuštenje Komisije.

Uz uslov dobivanja registracije od strane Komisije ovakvi pojedinci stječu pravo nastupa i sudjelovanja na takmičenjima bez ikakvih ograničenja u odnosu na ostale registrovane članove, te pod oznakom PS F BiH.

Pozitivno rješenje Komisija izdaje ovakvim pojedincima nakon što ispune sve uslove propisane ovim Pravilnikom.

Član 9.

Zahtjev za *prvu registraciju* KLUBA sadrži:

- Pismeni zahtjev sa slijedećim podacima: Naziv i adresa, datum osnivanja, žiro račun, matični broj, JIB, lica ovlaštena za zastupanje,
- Ovjerena kopija odluke o osnivanju,
- Ovjerena kopija rješenja o upisu u sudski registar,
- Zapisnik sa osnivačke skupštine,
- Kopija statuta,
- Potvrda o uplati takse za registraciju.

Zahtjev za *produženje registracije* KLUBA sadrži:

- Pismeni zahtjev sa slijedećim podacima (*dostavlja se samo u slučaju promjene nekih podataka*): Naziv i adresa, datum osnivanja, žiro račun, matični broj, JIB, lica ovlaštena za zastupanje.
- Potvrda o uplati takse za registraciju.

Član 10.

Rješenje o registraciji izdaje se najkasnije u roku od petnaest (15) dana od dana prijema prijave za registraciju. Jedan primjerak Rješenja o registraciji čuva se u arhivi Saveza uz Registar.

Član 11.

Protiv svake odluke o registraciji člana PS F BiH može se uložiti prigovor, ako se smatra da su prilikom donošenja odluke o registraciji prekršene odredbe Statuta PS F BiH i / ili pravila ovog Pravilnika.

Prigovor se podnosi Komisiji, preko Kancelarije Saveza, u roku od 8 dana od saznanja o izvršenoj registraciji koja se osporava.

Član 12.

Odluku o prigovoru donosi Upravni Odbor u roku od 15. dana od dana dostavljanja prigovora u Kancelariju Saveza.

Odluka UO o prigovoru je konačna.

PLIVAČKI SAVEZ FEDERACIJE BOSNE I HERCEGOVINE

III REGISTRACIJA PLIVAČA

Član 13.

Za *prvu registraciju* PLIVAČA klub je dužan dostaviti Komisiji:

- Pismeni zahtjev sa spiskom plivača; u zahtjevu se navodi: ime, ime jednog roditelja i prezime, datum i mjesto rođenja, JMBG, datum sa kojim je registrovan u klubu,
- Original ili ovjeren rodni list ili CIPS,
- Dvije fotografije u boji (ne starije od šest mjeseci),
- Potvrda o izvršenoj uplati takse,
- Potvrda o prebivalištu - CIPS,
- Uvjerenje o državljanstvu.

(Registrovanjem plivača u PS F BiH, plivački klubovi potvrđuju da su plivači zdravstveno sposobni i da su izvršili godišnji ljekarski/sistemski pregled. Plivački klubovi su isključivo odgovorni za zdravstvenu sposobnost svojih članova!)

Za *produženje postojeće registracije* PLIVAČA klub je dužan dostaviti u Kancelariju Saveza:

- Pismeni zahtjev za produženje registracije sa spiskom plivača i podacima za svakog plivača sa spiska: ime, ime jednog roditelja, prezime, datum i mjesto rođenja, JMBG, datum početka članstva u klubu, datum zadnje registracije,
- Jedna fotografija (ne starija od 6 mjeseci),
- Potvrda o uplati takse za produženje registracije.

Kod *prelaska* pojedinog člana iz jednog plivačkog kluba u drugi, Kancelariji Saveza se dostavlja:

- Zahtjev za preregistraciju sa podacima: ime, ime jednog roditelja, prezime, JMBG, naziv kluba iz kojeg odlazi, te naziv kluba za koji se preregistruje,
- Jedna fotografija (ne starija od 6 mjeseci)
- Ovjerena ispisnica ranijeg kluba, a ako nije izdata potvrda o podnesenom zahtjevu za izdavanje ispisnice
- Potvrda o predhodnoj registraciji sa naznačenim datumom zadnje registracije i registracionim brojem, a ako nije izdata, potvrda o podnesenom zahtjevu za izdavanje potvrde o predhodnoj registraciji.

Član 14.

Plivač ne može biti registrovan u isto vrijeme za dva kluba u BiH.

Član 15.

Plivač, koje je već bio registrovan u nekom klubu te je nastupao na takmičenjima, ima pravo na promjenu kluba u prelaznim rokovima.

Pravo iz prvog stava ovog člana plivači mogu ostvariti u dva vremenska intervala;

- Od 01.09. do 30.09.
- Od 01.04. do 30.04.

Član kluba može promijeniti klub samo unutar propisanog prijelaznog roka i u skladu sa pravilima ovog Pravilnika.

Član 16.

Zadnji dan za podnošenje zahtjeva za izdavanje ispisnice je 10. septembar tekuće godine, za prvi prijelazni rok, odnosno 10. aprila slijedeće godine, za drugi prijelazni rok.

Klubovi su dužni izdati ispisnice zaključno do 20. septembra tekuće godine, za prvi prijelazni rok, odnosno 20. april slijedeće godine, za drugi prijelazni rok.

PLIVAČKI SAVEZ FEDERACIJE BOSNE I HERCEGOVINE

Član 17.

Klubovi su dužni izdati ovjerenu ispisnicu i potvrdu o ranijoj registraciji u roku od sedam (7) dana od dana podnošenja zahtjeva.

U slučaju da klub ne izda ispisnicu i/ili potvrdu o predhodnoj registraciji razlog neizdavanja mora pismeno obrazložiti i dostaviti u kancelariju Saveza u roku od sedam (7) dana od dana podnošenja zahtjeva ili će se smatrati da je ispisnica i potvrda o predhodnoj registraciji izdana.

Član 18.

Prestankom članstva plivača u klubu osim u slučaju prelaska iz kluba u klub plivaču prestaje da važi registracija u PS F BiH.

Član 19.

Plivač koji je zatražio ispisnicu, a ona mu je uskraćena iz bilo kojih razloga, a na osnovu pismenog obrazloženja kluba, ima pravo žalbe komisiji u roku od petnaest (15) dana od dana podnošenja zahtjeva za ispisnicom. Komisija odlučuje o žalbi u prvom stepenu, a UO Saveza u drugom stepenu.

Odluka UO je konačna.

Član 20.

Plivači koji posjeduju državljanstvo BiH, a privremeno borave u inostranstvu duže od 6 mjeseci i nastupaju za inostrane klubove ili druge organizacije, imaju pravo registracije u skladu sa odredbama ovog Pravilnika i nastupa pod imenom BiH

Plivači registrovani za klubove u BiH ne mogu imati dvojnu registraciju i biti registrovani za inostrane klubove.

Član 21.

Strani državljani i oni koji imaju dvojno državljanstvo, a stalno borave u Bosni i Hercegovini registruju se pod istim uslovima kao i državljani Bosne i Hercegovine.

Član 22.

Eventualna obeštećenja u slučaju promjene kluba unutar PS F BiH isplaćuju se samo za one takmičare koji su imali potpisani ugovor o suradnji s plivačkim klubom kojeg napuštaju. Vrijednost obeštećenja (i ostale uslove) potvrditi će Komisija uvidom u valjani Ugovor koji su u slučaju spora obje stranke dužne dostaviti na uvid Komisiji.

PLIVAČKI SAVEZ FEDERACIJE BOSNE I HERCEGOVINE

IV KAZNENE ODREDBE

Član 22.

Klub za koga se utvrdi da je iz bilo kojih razloga dao lažne podatke u registraciji ili preregistraciji kluba kazniće se **sa 1000 (jedna hiljada) KM**. Pored novčane kazne izriče se i pismena opomena. Ponovljeni prekršaj ili neplaćanje kazne u roku od 3 mjeseca povlači doživotnu zabranu rada i djelovanja za kažnjeni klub na prostoru Federacije BiH.

Član 23.

Klub za koga se utvrdi da je iz bilo kojih razloga dao lažne podatke u registraciji ili preregistraciji plivača, kazniće se **sa 500 (pet stotina) KM za svakog plivača**. Pored novčane kazne izriče se i pismena opomena za klub i plivača/plivačicu. Ponovljeni prekršaj ili neplaćanje kazne u roku od 3 mjeseca povlači doživotnu zabranu rada i djelovanja za kažnjeni klub, i 1 (jednu) godinu suspenzije (nastupi na takmičenjima) za plivača/plivačicu na prostoru Federacije BiH.

Ukoliko su lažni podatci (kao što je lažno godište) prouzrokovali štetu prema drugim plivačima u smislu osvajanja medalja i obaranja rekorda, tom plivaču/plivačici izvršit će se poništavanje svih oborenih rekorda i naložiti vraćanje svih na taj način osvojenih medalja. Sve dok se naloženo ne izvrši suspenzija se neće prekinuti.

Član 24.

Osoba za koju se utvrdi da je iz bilo kojih razloga dala lažne podatke u registraciji ili preregistraciji kluba ili plivača, kao i kod prelaska plivača iz kluba u drugi klub, kazniće se **sa 500 (pet stotina) KM**. Ukoliko se radi o osobi koja je direktno uključena u vođenje kluba (predsjednik, sekretar i sl.) ili u trenažni proces (trener, psiholog, doktor i sl.) pored navedene novčane kazne odredit će se jedno (1) godišnja suspenzija za vođenje kluba i trenažnog procesa u plivačkim klubovima Federacije BiH. Pored novčane kazne i suspenzije izriče se i pismena opomena. Ponovljeni prekršaj ili neplaćanje kazne u roku od 3 mjeseca povlači doživotnu zabranu rada u plivačkom sportu za kažnjenu osobu na prostoru Federacije BiH.

Član 25.

Odluka o kaznenoj odredbi izdaje Upravni Odbor najkasnije u roku od petnaest (15) dana od dana prijema prijave za prekršaj ovog Pravilnika. Jedan primjerak Odluke o kaznenoj odredbi čuva se u arhivi Saveza uz Registar.

Član 26.

Protiv svake Odluke o kaznenoj odredbi može se uložiti prigovor, ako se smatra da su prilikom donošenja Odluke o kaznenoj odredbi prekršene odredbe Statuta PS F BiH i / ili pravila ovog Pravilnika.

Prigovor se podnosi Upravnom Odboru, preko Kancelarije Saveza, u roku od 8 dana od saznanja o izvršenoj Odluci o kaznenoj odredbi koja se osporava.

Član 27.

Odluku o prigovoru donosi Upravni Odbor u roku od 15. dana od dana dostavljanja prigovora u Kancelariju Saveza.

Odluka UO o prigovoru je konačna.

PLIVAČKI SAVEZ FEDERACIJE BOSNE I HERCEGOVINE

IV ZAVRŠNE ODREDBE

Član 28.

Ovaj Pravilnik kao i izmjene i dopune ovog Pravilnika donosi UO.

Član 29.

Slučajeve koji nisu obuhvaćeni ovim pravilnikom rješavat će UO. Za tumačenje odredbi ovog pravilnik nadležan je UO PS F BiH.

Član 30.

Pravilnik stupa na snagu danom usvajanja, a primjenjivaće se od 27.04 2012. godine, do kada su svi klubovi dužni završiti registraciju u Savezu.

Broj: 300-03/12

U Sarajevu, 27.04.2012. godine

PREDSJEDNIK PS F BiH

Smajlefenđić Muhamed